



NEGERI KEDAH DARUL AMAN

Warta Kerajaan

DITERBITKAN DENGAN KUASA

GOVERNMENT OF KEDAH DARUL AMAN GAZETTE

PUBLISHED BY AUTHORITY

Jld. 46
Bil. 1

2 Januari 2003

*TAMBAHAN No. 1
PERUNDANGAN*

K. P.U. I.

AKTA KERAJAAN TEMPATAN 1976

(Akta 171)

UNDANG-UNDANG KECIL PEMUNGUTAN, PEMBUANGAN DAN
PELUPUSAN SAMPAH SARAP (MAJLIS PERBANDARAN KULIM)
2001

SUSUNAN UNDANG-UNDANG KECIL

Undang-undang Kecil

1. Nama, pemakaian dan tarikh kuat kuasa.
2. Tafsiran.
3. Pembuangan sampah berpusat atau tong sampah isi rumah disediakan dan disenggarakan.
4. Sampah di bangunan berbilang tingkat.
5. Sampah sarap taman.
6. Pembuangan buangan perindustrian dan buangan perdagangan.
7. Kenderaan terbiar dan tidak berguna.
8. Larangan membakar bahan buangan.

Lindang-lindang Kecil

9. Larangan mengganggu isi kandungan tong.
10. Larangan membuang bara api, bahan letupan dsb.
11. Bayaran.
12. Kesalahan, hukuman dan lain-lain.
13. Kompaun.
14. Pembatalan.

AKTA KERAJAAN TEMPATAN 1976

(Akta 171)

dsb.

**UNDANG-UNDANG KECIL PEMUNGUTAN, PEMBUANGAN DAN PELEPUSAN
SAMPAH SARAP (MAJLIS PERBANDARAN KULIM) 2001**

PADA menjalankan kuasa-kuasa yang diberikan oleh seksyen 73 Akta Kerajaan Tempatan 1976, Majlis Perbandaran Kulim membuat dan menurut seksyen 103 Akta tersebut, Pihak Berkuasa Negeri mengesahkan Undang-undang Kecil yang berikut:

1. (1) Undang-undang Kecil ini bolehlah dinamakan **Undang-Undang Kecil Pemungutan, Pembuangan dan Pelupusan Sampah Sarap (Majlis Perbandaran Kulim) 2001** dan hendaklah dipakai hanya bagi Majlis Perbandaran Kulim.

(2) Undang-undang Kecil ini hendaklah mula berkuat kuasa mulai pada 1 Januari 2001.

2. Dalam Undang-undang Kecil ini, melainkan jika kandungan ayatnya menghendaki makna yang lain —

“bahan buangan” termasuk apa-apa keluaran sampingan, benda atau barang yang ditolak atau rosak dalam proses pengilangan sama ada mempunyai nilai perdagangan atau tidak;

“buangan perdagangan” ertinya apa-apa bahan buangan yang dijanakan dari apa-apa aktiviti perdagangan;

“buangan perindustrian” ertinya apa-apa bahan buangan yang dijanakan dari apa-apa aktiviti perindustrian;

“buangan binaan” ertinya apa-apa bahan buangan yang dijanakan dari mana-mana bangunan atau aktiviti pembinaan;

“sampah sarap taman” termasuklah daun, jejalar, rumput, pokok, dahan atau tanah dari taman atau perkarangan mana-mana rumah atau bangunan atau jika tidak ada rumah atau bangunan, dari mana-mana tanah;

“sampah sarap isi rumah” ertinya apa-apa bahan buangan yang dijanakan dari rumah tetapi tidak termasuk sampah sarap taman atau bahan-bahan buangan binaan;

“Yang Dipertua” ertinya Yang Dipertua Majlis Perbandaran Kulim dan termasuklah Setiausaha atau mana-mana pegawai lain yang diberi kuasa bertulis oleh Yang Dipertua.

3. (1) Penghuni tiap-tiap rumah hendaklah menggunakan tong sampah berpusat yang disediakan oleh Majlis atau menyediakan dan menyenggarakan tong sampah dengan bebibir tutup rapat tidak lebih

Nama,
penakut
dan tukik
kecik kecik

Pembuangan
sampah
berpusat
atau tong
sampah isi
rumah
disediakan
dan do-
senggarakan

dari pada 0.3 meter isi padu. Dan Majlis boleh menentukan salah satu kaedah pengurusan kutipan sampah sarap isi rumah kepada penghuni tiap-tiap rumah untuk dipatuhi.

(2) Semua sampah sarap isi rumah hendaklah dimasukkan ke dalam beg plastik yang mana hendaklah diikat dengan kuat sebelum dimasukkan ke dalam tong sampah berpusat Majlis atau tong sampah.

(3) Mana-mana kaca pecah, tin dan lain benda yang tajam tepinya hendaklah dibungkus dengan elok dan dimasukkan ke dalam bekas gunahabis yang berasingan dan diletakkan dekat tong sampah untuk dipungut.

Sampah di bangunan berbilang tingkat

4. (1) Di bangunan berbilang tingkat di mana pelongsor sampah telah disediakan, pengurusan bangunan atau, jika tidak ada pengurusan seperti itu, tiap-tiap penghuni bangunan itu hendaklah menyediakan dan menyenggarakan tong sampah yang mana hendaklah diletakkan dalam kebok sampah.

(2) Tong sampah itu hendaklah dari saiz yang cukup untuk memadankan kebok sampah yang disediakan di sebelah bawah pelongsor sampah dalam bangunan itu.

(3) Penduduk hendaklah pada setiap masa menyenggarakan pelongsor sampah, corong logam pelongsor dan pintu logam ke kebok sampah.

(4) Jika tong sampah, pelongsor sampah, pintu logam corong logam atau kebok sampah tidak berada dalam keadaan baik, Majlis boleh meneruskan tindakan untuk menggantikan, membaiki atau memulihkan apa-apa kecacatan dan hendaklah menuntut jumlah semua kos yang dibelanjakan mengikut cara yang diperuntukan dalam Akta Kerajaan Tempatan 1976.

Sampah sarap taman

5. Sampah sarap taman boleh dipungut oleh Majlis dengan dikenakan bayaran yang ditentukan oleh Yang Dipertua.

Pembuangan buangan perindustrian dan buangan perdagangan

6. Apa-apa buangan perindustrian atau buangan perdagangan hendaklah dilupuskan oleh tuan punya perindustrian atau perdagangan yang berkenaan ke mana-mana satu tempat longgokan sampah yang diselenggarakan oleh Majlis atau sebagaimana yang diarahkan oleh Yang Dipertua.

Kenderaan terburuk dan tidak berguna

7. (1) Mana-mana kenderaan terburuk dan tidak berguna hendaklah dibuang oleh tuan punya ke salah satu daripada tempat longgokan sampah itu.

(2) Majlis boleh memindahkan kenderaan itu dengan syarat tuan punya membayar semua kos yang dibelanjakan.

Larangan membakar batian buangan

8. Tiada seorang pun boleh membakar apa-apa bahan buangan pada masa yang tidak munasabah atau di tempat-tempat yang mungkin menyebabkan kacau ganggu atau kegusaran kepada mana-mana jiran atau orang awam.

9. Tiada seorang pun boleh mengais atau menyelongkar, atau mengalih apa-apa jua benda, atau menumpah atau menyelerakkan apa-apa jua isi kandungan mana-mana tong sampah.

Larangan mengganggu isi kandungan tong.

10. Apa-apa bahan binaan, bara api, bahan mudah terbakar atau bahan letupan tidak boleh dimasukkan ke dalam tong sampah sarap isi rumah atau mana-mana tong lain yang disediakan untuk mengisi sampah tetapi hendaklah dilupuskan mengikut cara yang diperuntukan bagi membuang buangan perindustrian.

Larangan membuang bara api, bahan letupan dsb.

11. Yang Dipertua boleh menetapkan kadar bayaran, kos atau perbelanjaan yang boleh dikenakan di bawah Undang-Undang Kecil ini melalui pemberitahu dalam *Warta*.

Bayaran.

12. Sesiapa yang melanggar mana-mana peruntukan Undang-Undang Kecil ini adalah melakukan kesalahan dan hendaklah apabila disabit dikenakan denda tidak lebih daripada dua ribu ringgit atau penjara tidak lebih daripada satu tahun atau kedua-duanya dan sekiranya pelanggaran itu berterusan selepas sabitan, hendaklah didenda sejumlah wang tidak melebihi dua ratus ringgit bagi tiap-tiap hari kesalahan itu berterusan.

Kesalahan, bukannya dan lain-lain.

13. Yang Dipertua boleh mengikut budibicaranya mengkompaun apa jua kesalahan yang dilakukan di bawah Undang-Undang Kecil ini dengan mengutip dari orang yang melakukan kesalahan itu sejumlah wang tidak melebihi tiga ratus ringgit.

Kompaun.

14. Undang-Undang Kecil (Pemungutan, Pembuangan dan Pelupusan Sampah Sarap) Pihak-pihak Berkuasa Tempatan Negeri Kedah, 1983 adalah dengan ini dibatalkan pemakaianya di Majlis Perbandaran Kulim.

Pembatalan.

Diperbuat pada 27 Mei 2001.

[]

AHMAD FISOL BIN M.,
Yang Dipertua,
Majlis Perbandaran Kulim

Diluluskan pada 7 November 2002.
[PSU(K) 98/1396 Jld. 3.]

KHARUDIN BIN ZAIN,
Setiausaha Majlis Mesyuarat Kerajaan,
Kedah Darul Aman

